

C.SYAIR DEFINISI ORANG BERAKAL

TEMA

Kelebihan orang yang berakal

Orang berakal dapat membezakan perkara yang baik dan buruk kerana orang berakal sentiasa berfikir sebelum bertindak

MAKSUD RANGKAP

Orang berakal sangatlah mulia,

Pakaian anbia dan aulia,

Barang siapa mengikut dia,

Itulah tanda orang bahagia.

Status orang yang berakal/berilmu amatlah mulia dalam masyarakat kerana itulah ciri para nabi dan orang alim.

Sesiapa yang mempubyai sifat ini akan beroleh kebahagiaan.

Kerana ia akal nya tajam,

Menjadi kepala bela bermacam,

Jikalau mata melihatkan kejam,

Disebutlah jalannya ia tersunjam.

Orang berakal/berilmu mempunyai fikiran yang tajam dan bernas.

Orang yang berakal boleh menjadi pelindung /pemimpin dalam segala aspek

Orang berakal dapat menyekat diri dari terjerumus dengan

Telek pandangan dengan makrifat,
Sangatlah mengasihi tuan dan sahabat,
Tiada mengasihi orang yang jahat,
Takut akhirnya menjadi fazihat.

Orang berakal mampu mentafsir sesuatu perkara dengan baik dan tepat
Orang berakal amat dikasihi dan disenangi oleh semua orang
Orang berakal tidak akan bersetongkol dengan mereka yang berbuat kejahatan kerana dikhuatiri membawa kecelakaan/ keaiban kepada diri.

Sebagai lagi tanda orang berakal,
Perintah syarak tidak menyangkal,
Menjauhkan tamak hendak tawakal,
Ibanya tahu dunia tak kekal

Satu lagi tanda orang berilmu ialah;
tidak melanggar perintah agama,
tidak tamak sebaliknya banyak berserah kepada Allah SWT/tuhan
sentiasa bersedih kerana sedar dunia ini tidak kekal sebaliknya akan musnah

Jika ia dikasihi raja,
Tiadalah ia melanja-lanja,
Tiadalah menyombong pada bekerja,
Dengan taulannya bersamaan sahaja.

Satu lagi tanda orang berilmu ialah apabila ia disukai /dihargai oleh pemimpin

Tidak suka berpeleleran/melepak

Tidak meninggikan diri apabila melakukan sesuatu perkara

Tidak membezakan status diri dengan rakan-rakan yang lain

Apabila raja kasih sangat,

Makin itu ia ingat,

Segala taulannya hatinya dihambat,

Merendahkan diri serta khidmat.

Orang berilmu ; apabila disukai pemimpin akan sentiasa beringat-ingat/tidak lupa diri.

Semua rakan dan kenalan terpaut hati/ menyukai orang berakal

Orang berakal bersifat merendah diri semasa menabur khidmat.

Demikian lagi dengar olehmu,

Tanda berakal kasihkan ilmu,

Suka mentelaah tiadalah jemu,

Mencari kupasan jangan tersemu.

Sifat orang berakal mesti diberi perhatian

Orang berakal amat sayang akan ilmu

Rajin belajar tanpa rasa jemu

Sentiasa mendalami ilmu agar tidak tertipu semasa menjalani hidup

Persoalan

1. Kemuliaan yang diperoleh oleh seseorang apabila memiliki ketinggian ilmu dan dikategorikan oleh orang berakal
2. Ketinggian ilmu dan akal dapat membawa kesan positif dalam hidup
3. Sifat-sifat terpuji yang terhasil kesan ketinggian akal dan ilmu seseorang
4. Ilmu yang sentiasa dicari apabila memiliki ketinggian akal

NILAI

1. KEBIJAKSANAAN

Orang berakal bijak menyelesaikan masalah

2. RENDAH DIRI

Orang berakal sentiasa merendah diri apabila bergaul/bekerja

3. KETAATAN

Orang berakal sangat taat akan perintah agama

4. KERAJINAN

Orang berakal amat rajin meningkatkan ilmu yang ada

5. BERHATI-HATI

Orang berakal sentiasa berhati-hati dalam tindakan

6. PENYAYANG

Orang berakal amat menyayangi sahabat handai

PENGAJARAN

1. Jangan menyombong diri apabila kita mempunyai kepandaian.
2. Jangan bersifat tamak dengan menggunakan ilmu untuk kepentingan diri
3. Jangan menggunakan ilmu untuk melakukan kejahatan
4. Kita hendaklah merendah diri jika memiliki kepandaian

5. Kita hendaklah menjaga hubungan yang baik dengan sahabat dan masyarakat walaupun kita memiliki kelebihan ilmu

SIFAT-SIFAT ORANG BERAHAL

1. MERENDAH DIRI
2. TIDAK TAMAK
3. TIDAK SOMBONG
4. JUJUR
5. BERFIKIR PANJANG
6. MENGHARGAI RAKAN-RAKAN
7. SUKA MENAMBAH PENGETAHUAN

SOALAN PEMAHAMAN

i. Berikan maksud bait keenam dalam syair di atas.

(3 markah)

ii. Sebagai remaja, jelaskan sifat-sifat yang baik semasa menuntut ilmu.

(3 markah)

iii. Huraikan 4 pengajaran daripada syair di atas.

(3 markah)

1. Berikan maksud rangkai kata

a. Telek pandangan dengan makrifat

b. Ibanya tahu dunia tak kekal

c. Dengan taulannya bersamaan sahaja

d. Mencari kupasan jangan tersemu